

傷寒



杭州圖書館藏



傷寒通論

續傷寒通論

大法

凡傷於寒則為病熱雖甚不死若兩感于寒而病者必死 尺寸俱浮者太陽受病也當一二日發以其脈主

連風府故頭項痛腰脊強 尺寸俱長者陽明受病也當

三日前病傳三陽宜汗

二三日發以其脈俠鼻絡于目故身熱目疼鼻乾不得卧

尺寸俱弦者少陽受病也當三四日發以其脈循脇絡

于耳故曾脇痛而耳聾此三經皆受病未入於腑者可汗

而已

三日後病傳三陰宜下

尺寸俱沉細者太陰受病也當四五日發以其脈布胃中

絡於隘故腹滿而隘乾 尺寸俱沉者少陰受病也當五

六日發以其脈貫腎絡於肺繫舌本故口燥舌乾而渴

云經云一二日少陰者謂初中病時便入少陰不經三陽

也大抵傷寒發于陽則太陽也發于陰則少陰也凡病一

日至十二日太陽症不能罷者俱治太陽有初得病便

見少陰症者宜攻少陰亦不必先自巨陽蓋寒入太陽即

發熱而惡寒入少 尺寸俱微緩者厥陰受病也當六七

日發以其脈循陰器絡于肝故煩滿而囊縮 煩滿謂少腹

云十二日厥陰病陰囊縮少腹微下謂向下也 此三經皆受

囊之縮者今復病少腹之煩滿故令微下也 病已入於腑可下而已

若兩感於寒者一日太陽受之即與少陰俱病則頭痛口

乾煩滿而渴二日陽明受之即與太陰俱病則腹滿身熱

不欲食謔語三日少陽受之即與厥陰俱病則耳聾囊縮

而厥水漿不入不知人者六日死若三陰三陽五臟六腑皆受病則榮衛不行臟腑不通而死矣

三日陰陽俱傳

日兩感者多死

三日前無陽明少陽症不傳陽

傳也

傷寒一日太陽受之脈若靜者為不傳頗欲吐若躁煩脈

微急者為欲傳也 傷寒二三日陽明少陽症不見者不

傳也

醫學綱目卷之三十一

一

三日後傷寒三日三陽為盡三陰當受邪其人反能食而不嘔此能食不嘔者不為三陰不受邪也

傳陰三日脈微問曰傷寒三日脈浮數而微病人身溫和者何也蒼曰此為欲解也以夜半脈浮而解者濺然汗出也脈浮而解者必能食也脈不浮而解者必大汗出也 三日少陽脈小

欲己也論見口苦舌乾

其不兩感於寒更不傳經不加異氣者至七日太陽病衰頭痛少愈也八日陽明病衰身熱少歇也九日少陽病衰

耳聾微聞也十日太陰病衰腹減如故則思飲食十一日少陰病衰渴止舌乾已而嘔也十二日厥陰病衰囊縮少

腹微下大氣皆去病人精神爽慧也 太陽病頭痛至七日已上自愈者行其經盡故也若欲再傳經者針足陽明使不傳則愈

八 醫學綱目卷三

七日脈大煩躁者解 六七日脈至皆大煩而口噤不言躁擾者必欲解也論見後條

傷寒六七日無大執其人躁煩此為陽去入陰故也 若過十三日已上不間間廖也尺寸陷者大危

若更感異氣變為他病者當依舊壞症而治之若脈陰陽俱盛重感於寒者變為溫瘧 陽脈浮滑陰脈濡弱者更遇於風變為風溫 陽脈洪數陰脈實大者遇溫熱變為溫毒為病最重也 陽脈濡弱陰脈弦緊者更遇溫氣變

為溫疫以冬傷於寒發為溫病脈之變症方治如說條後 凡發汗欲令手足皆周至漿粳然一時間許益佳不可令

如水流滴耳若病不解當重發汗多則亡陽陽虛不得重發汗也活人云發汗必須如常覆蓋腰已上厚衣覆之腰已下蓋之若腰已上淋滿而腰已下至足心

微潤病終不解 凡云可發汗而無湯者丸散亦可用要以汗出為鮮然不如湯隨症良驗 凡發汗溫服湯藥其方雖言

十三日 不減脈 沉者危 更感異 氣者變 他病

七日傳 經盡當 病衰

日一二服若病劇不解當促其服可半日間盡一二服若與病相值即便有所覺重病者一日一夜當晬時觀之如服一劑病症猶在故當復作本湯服之至有不肯汗出服三劑乃解若汗不出者死病也 凡服湯藥發汗中病即止不必盡劑吐下亦如之

許學士云記一鄉人傷寒身熱大便不通煩渴鬱冒醫者用巴荳下之頃得溏利宛然如舊予觀之陽明結熱在裏非大柴胡承氣不可巴荳止去積不能蕩滌邪熱蘊毒亟進大柴胡等三服得汗而解嘗謂仲景一百一十三方爲丸者有五理中陷胃抵當烏梅麻仁是以理中陷胃抵當皆大如彈子煮化而服與湯散無異至麻仁治脾約烏梅治濕蠶皆用小丸以達下部其他逐邪毒破堅癥導滌血閏燥蠶之類皆憑湯劑未聞用巴荳小丸藥以下邪氣

也既下而病不除不免重以大黃芒硝下之安能無損也哉

欲攻當先表後下

凡傷寒之病多從風寒得之始表中風寒入裏則不消矣擬欲攻之猶當先解表乃可下之若表已解而內不消大

滿大實堅有燥屎者自可除下之雖四五日不能爲禍也

汗症汗後不罷者再汗

服桂枝湯大汗出脈洪大者復與桂枝湯如前法論見處發汗解半日許復煩脈浮數者可更發汗病人云凡發汗病症仍在者三

腹內可二三汗之令

汗吐下溫針後不解爲壞症

凡病若發汗若吐若下若亡津液陰陽自和者必自愈重津液則不能作汗故必待自和乃愈 太陽病三日已發汗若吐若下若溫針仍不解者此爲壞症桂枝不中與也觀其脈症知犯何

逆當隨証治之

下後症

大病陽多者熱下之則鞭無陽陰強大便鞭者下之則必

清穀腹滿

診病

脈師持脈病人欠者無病也脈之呻者病也言遲者風也
搖頭言者裏痛也行遲者表強也坐而伏者氣短也坐而
下一脚者腰痛也裏實護腹如懷卵物者心痛也 寸口

諸微亡陽諸濡亡血諸弱發熱諸緊為寒諸乘寒者則為
厥鬱冒不仁以胃無穀氣脾瀆不通口急不能言戰而慄
也 微脈極細而軟濡脈極軟而沉細
而浮細弱脈極軟而沉細

病六七日手足三部脈皆至大煩而口噤不能言其人躁
擾必欲自解者必當先煩乃有汗而解何以知脈浮故知
汗出解也若脈和平其人大煩目重臉內際黃者皆為欲
解也

寸關尺
同等者
當愈

河曰脈病欲知愈未愈者何以別之荅曰寸口關上尺中
三處大小浮沉遲數同等雖有寒熱不解者此脈為陰陽

醫學綱目卷三

四

和平雖劇當愈 針經禁服篇云寸口人迎兩者相應若引
繩大小齊等者名曰平人言手之寸口脈
與脈旁之人迎脈等齊為平人後條云六
脈陰陽俱停必先振慄汗出而解者是也 凡得病厥脈

動數服湯藥更遲脈浮大減小初躁後靜此皆愈症也
脈浮數而微病人身溫和者欲解也 論見
前条 凡病反能飲

能飲水

水者為欲愈 論見
腹渴 太陰中風脈陽微陰瀼而長者為欲

者欲解
三陰病
脈浮長
者欲愈

愈 論見
腹瀉 少陰中風脈陽微陰浮者欲愈 論見
欲寐 厥陰中

三陽症

風脈微浮者欲愈不浮未愈
太陽病已至未解 見發
熱 陽明病申至戌解 見胃
實

三陰夜

少陽病寅至辰解 見口
苦 太陰病亥至丑解 見腹
脹
少陰病子至寅解 見欲
寐 厥陰病丑至卯解 見氣上
撞心

昼解
解夜得
昼解

愈者以陽得陰則解也夜半得病日中愈者以陰得陽則
解也 病家人請云病人苦發熱身軀痠病人自臥師到

診其脈沉而遲者知其瘥也何以知之表有病者脈當浮大今反沉遲故知愈也假令病人云腹內卒痛病人自坐師到脈之浮而大者知其瘥也何以知之若裏有病者脈當沉而細今脈浮大故知愈也

脈浮緊按之托汗解

問曰病有戰而汗出者因得解者何也答曰脈浮而緊按之反托此爲本虛故當戰而汗出也其入本虛是以發戰

脈浮大按之不

以脈浮故當汗出而解也若脈浮而數按之不托此人本不虛若欲自解但出汗耳不發戰也問曰病有不戰而汗出解者何也答曰脈大而浮數故知不戰汗出而解也

脈微當不戰而汗而解

問曰病有不戰不汗出而解者何也答曰其脈自微此以曾經發汗若吐若下若亡血以內無津液待陰陽自和必自愈故不戰不汗出而解也

診生死

右海藏云戰而後解者太陽也不戰有汗而解者陽明也不戰無汗而解者少陽也

太陽病未解脈陰陽俱停必先戰慄汗出而解陽微者汗解陰微者下解論見發熱篇凡脈大浮數動滑此名陽也沉

瀋弦弱微此名陰也凡陰病見陽脈者生陽病見陰脈

者死陰陽俱盛大汗出不解者死陰陽俱虛熱不止者

死又診生死詳法並見診法門

禁忌

服藥正如方法縱意違師不須治之

諸脈沉及尺脈遲者忌汗

脈沉爲在裏而反發其汗則津液越出大便難表虛裏實久則譫語也論見諸語脈浮緊者法當身疼痛宜以汗解之

假令尺中遲者不可發汗何以知之以榮氣不足血少故

也活人云先以小建中湯加黃芪如尺脈尚遲再作一劑却服柴胡桂枝二越婢一湯其湯分小劑和解之愈

許學士云一鄉人丘生者病傷寒發熱頭疼煩渴脈雖浮

數無力尺以下遲而弱予曰此雖麻黃症而尺遲弱仲景云尺中遲者榮氣不足血氣微少未可發汗予於建中湯加當歸黃芪令飲翼自脈尚爾其家煎迫日夜督發汗藥幾不遜矣予忍之但只用建中調榮而已至五日尺部方應遂投麻黃湯發二服發狂須臾稍定略睡已中汗矣信知此事誠難仲景雖云不避晨夜即宜便治醫者亦須顧其表裏虛實待其時日若不循次第暫時得安損虧五臟以促壽限何足貴哉昔南史載范雲傷寒恐不得預武帝九錫之慶召徐文伯診視以實懇之曰可便得愈乎文伯曰便瘥甚易只恐二年後不復起耳雲曰朝聞道夕死猶可况二年乎文伯以火燒地布桃葉設席置雲於其上頃刻汗解撲以溫粉翼日果愈雲甚喜文伯曰不足喜也後二年果卒夫取汗先期尚促壽限况不顧表裏不待時日

八醫學綱目卷十

六

便欲速効乎每見病家不柰病未三四晝夜促汗醫者隨情順意鮮不敗事予故書此為戒

諸脈浮諸脈浮及外實脈浮大應發汗醫者反下之此為大逆 諸外實者不可下下之則發微熱脈厥者當臍握熱 諸虛者不可下下之則大渴求水者易愈惡水者劇 太陽症表未解不可

下下之為逆論見發熱

諸脈濡諸脈濡弱微澁脈濡而弱弱反在關濡反在巔微反在上濡反在下微則陽氣不足濡則無血陽氣反微中風汗出而反躁煩瀋則無血厥而且寒陽微發汗躁不得眠 陽微不可下下之

則心下痞鞭陽微不可下當是復不可下之

諸脈浮諸脈浮數者忌脈浮熱甚反灸之此為實以虛治因火而動必咽燥唾吐微數之脈慎不可灸因火為邪則為煩逆追虛逐實血

散脈中火氣雖微內攻有力焦骨傷筋血難復也 脈浮

諸脈浮數者忌

諸脈濡弱微澁者忌汗

諸脈浮及外實諸虛者忌下

有汗便
數飲酒
者忌桂
枝

宜汗反用火灸之邪無從出腰以下必重而痺論見下重
桂枝本為解肌若其脈浮發熱無汗者不可與也常須
識此勿令悞也 脈浮自汗小便數微惡寒脚攣急忌桂
枝湯攻表論見厥 酒客病不可與桂枝湯得湯則嘔以酒
客不喜甘故也

便漉忌
梔子
誤下諸
寒症

凡用梔子湯病人舊微溏者不可與服之
若不宜下而便攻之內虛熱入挾熱遂利煩躁諸變不可
勝數輕者因篤重者必死矣 太陽病下之其脈促不結
胃者此為欲解也脈浮者必結胃也脈緊者必咽痛脈弦
者兩脇必拘急脈細數者頭痛未止脈沉緊者必欲嘔脈
沉滑者挾熱利脈浮滑者必下血

續傷寒通論

發熱惡
寒休痛

發熱惡寒身躄痛而脈浮者表証也表証者惡寒是也

脈浮為
表

惡寒者屬太陽宜汗之

惡寒一切屬表雖裏症悉具而微惡寒者亦是表未解
也猶當先解其外候不惡寒為外解乃可攻裏也

發熱惡
熱便硬
腹滿脈
沉為裡

不惡寒反惡熱手掌心并腋下濺濺汗出胃中乾燥結聚
潮熱大便秘小便如常腹滿而喘或譫語脈沉而滑者裏
症也裏症者內熱是也內熱者屬陽明宜下之 傷寒始
發熱惡寒今汗後不惡寒但倍發熱而躁始脈浮而大今

脈洪實或沉數細始惺靜今狂語此為胃實陽盛再汗即
死須下之則愈亦有始得病便變陽盛之症須便下之不
可拘以日數更有心胸連腹臍大段痞悶腹中痛坐臥不
安肩悶喘急極者亦不問他症便下之若失下則氣血不
通四肢便厥醫人不知反疑是陰厥復進熱藥禍如反掌
不可不察也

寒熱往來
脈弦為
半表半
裡

邪之客於表者為寒邪與陽相爭則為寒矣邪之入於裏者為熱邪與陰相爭則為熱矣邪在半表半裏外與陽爭而為寒內與陰爭而為熱是以往來寒熱邪居表多則多寒邪居裏多則多熱邪半在表半在裡則寒熱亦半矣邪在表者必瀆形以為汗邪在裏者必蕩滌以取利其餘不外不內半表半裏又非發汗之所宜亦非吐下之所對是當和解則可矣小柴胡為和解之劑也

表裡俱見

傷寒表症當汗裡症當下不易之法也發表攻裡本自不同甘遂神丹不可合飲桂枝承氣安可並進然而假令病人脈浮而大是表症當汗其人發熱煩渴小便赤却當下此是表裡俱見五苓散主之 假令傷寒不大便六七日頭痛有熱者是裏症當下其人大便清者知不在裏仍在表也當須發汗此是兩症俱見即未可下宜與桂枝湯

假令病人心中滿口不欲食大便鞭脈沉細是裏症當下其人頭汗出微惡寒手足冷却當汗此兩症俱見者仲景所謂半在表半在裡也小柴胡主之 假令太陰病表症未除而醫數下之遂挾熱而利不止心下痞鞭仲景謂之表裏不解桂枝人參湯主之 本太陽病醫反下之因爾腹痛是有表復有裡仲景用桂枝加芍藥湯痛甚者桂枝加大黃 又云太陽病桂枝症醫反下之利遂不止服促者表未解也喘而汗出者葛根黃芩湯主之此皆仲景治傷寒有表復有裡之法也

大柴胡湯治表裡內外俱熱之症治有表者或脈浮或頭痛或惡風或惡寒四症中或有一二尚在者乃十三日過經不解是也治有裡者或譫語或妄語或擲手揚視此皆裡之急者也若欲汗之則裡症已急欲下之則表証尚

無表裡症

在通宜大柴胡湯

傷寒四五日後以至過經無表症又於裡症未可下者皆可用小柴胡隨証加減用之以至十餘日亦可下者皆外用小柴胡不愈者若大便鞭看症可下則用大柴胡下之以過經其人稍虛當下者用大柴胡湯則穩當恐承氣太緊病人不禁也仲景云六七日目中不了了睛不和無表裡症大便難身微熱此為實也當下之宜大承氣湯又云病人無表裡症發熱七八日脈雖浮數可用大柴胡下之假令已下脈數不解至六七日不大便者有瘀血也屬抵當湯

百病皆分表裡

治傷寒須分表裡若表裡不分汗下差誤豈為上工且如均是發熱身熱不渴為表有熱小柴胡加桂枝主之厥而脈滑為裡有熱白虎加人參主之均是水氣乾嘔微利發

醫學綱目卷十

九

熱而咳為表有水小青龍加芫花主之體涼表症罷欬而脇下痛為裡有水十棗湯主之均是惡寒有熱而惡寒者發於陽也麻黃桂枝小柴胡主之無熱而惡寒者發於陰也附子四逆主之均是身軀痛脈浮發熱頭痛身痛者為表未解麻黃湯主之脈沉自利身體痛者為裏不和四逆湯主之以此觀之仲景表裏之法甚詳學者宜深究心也

半表半裡不同

半表半裏者有幾夫邪在榮衛之間謂之半表半裏也太陽陽明之間少陽居身之半表半裏也五苓散分陰陽膀胱經之半表半裏也理中湯治吐泄上下之半表半裏也

頭身浮洪為陽

太陽陽明少陽皆屬陽症也太陽者膀胱也發熱惡寒頭疼腰痛而脈浮也陽明者胃也不惡寒反惡熱濇濇汗

出大便秘潮熱而脈長也少陽者膽也口苦咽乾脇下滿發熱而嘔或往來寒熱而脈弦也麻黃湯大青龍湯桂枝湯治太陽傷風寒也大柴胡湯調胃承氣湯小承氣湯大承氣湯治陽明傷寒也小柴胡湯治少陽傷寒也其他藥皆發汗吐下後症也若陽氣獨盛陰氣暴絕即爲陽毒必發躁狂走妄言面赤咽痛身斑斑如錦紋或下利黃赤脈洪實或滑促當以酸苦之藥投之令陰氣復而大汗解矣古人云酸苦涌泄爲陰謂苦參大青葶藶苦酒之類皆復其陰氣也微用苦甚則兼用酸苦折熱復陰若熱極發厥陽症似陰者學者當以脈別之

吐利厥陰脈沉微爲陰

太陽少陰厥陰皆屬陰症也何謂太陽症太陽脾之經主胃膈臍脹何謂少陰症少陰腎之經主脈細心煩但欲寐或自利而渴何謂厥陰症厥陰肝之經主消渴氣上衝心

醫學綱目卷三

十

心中疼熱饑不欲食食則吐衄下之利不止也三陰中寒微則理中湯稍厥或中寒下利即乾姜甘草湯大段重者用四逆湯無脈者用通脈四逆湯若陰氣獨盛陽氣暴絕則爲陰毒其症四肢逆冷臍腹築痛身如被杖脈沉實病或吐或利當急灸臍下服以辛熱之藥令復陽氣而大汗解矣古人云辛甘發散爲陽謂桂枝甘草乾姜附子之類能復其陽氣也微用辛甘甚則用辛苦若陰極熱陰症似陽者學者亦當以脈別之

陰症陽症辨

陰症陽症辨 靜江府提刑李君長子年十九歲四月

病傷寒九日醫者作陰症治之與附子理中丸數服其症增劇別易一醫又作陽症議論差互不敢服藥李君邀予往視坐間有數人予不欲直言其症但細爲分解令自忖度之凡陽症者身大熱而手足不厥臥則怛然起則有力

不惡寒反惡熱不嘔不瀉渴而飲水煩躁不得眠能食而多語其脈浮大而數者陽症也凡陰症者身不熱而手足厥冷惡寒踈臥惡聞人聲或自引衣蓋覆不煩渴不飲食小便自利大便反快其脈沉細而微遲者陰症也今診其脈數得六七至其母云夜來叫呼不絕全不睡又喜飲冰水予聞其言知陽症悉具且三日不見大便秘急下之予遂以酒煨大黃六錢甘草炙二錢芒硝五錢煎服至夕下數行燥糞二十餘塊是夜汗大出明日又徃視之身涼脈靜矣予思素問熱論云治之各通其臟腑故仲景述傷寒論云六經各異傳變不同活人亦云凡治傷寒先須明經絡其義一也昧者不學經絡不問病源按寸握尺妄意病症不知邪氣之所在動致顛覆真盲醫或昔韓子云醫之病病在少思真理致之言也學者審之

陰症似陽陽症似陰並見陰陽藏府

醫學綱目卷三

部發寒熱反石條

汗下大
法汗下
但當隨
症不可
拘日數

未滿三日可汗而已滿三日者可泄而已此大略言之耳凡病人有虛有實邪氣傳受遲速不同豈可拘以日數仲景云日數雖多但有表症而脈浮者猶宜發汗日數雖少若有裏症而脈沉者即宜下之正應隨脈治之又況六氣之邪乘虛之經皆自背得之則入太陽或入少陰自面感之則入陽明之類不必皆始於太陽也兼寒邪有首尾止在一經或間傳一二經不可以一理推但視脈與外症治之此活法也假令有人脈浮頭項強痛發熱而惡寒每日如此不以日數多少正是太陽經受之其餘經皆倣此大抵傷寒惟憑脈與外症以汗下之若過日多脈尚大浮數按之不足者尚貴太陽也可發汗而愈若按之實者汗之必死須下之而愈也若始病脈沉細數外症或腹滿咽

乾或口燥舌乾而渴爲熱正責屬裏可下之而愈若無此症表熱脈沉誤下者必死須用麻黃附子甘草麻黃細辛附子湯小發汗以治之此皆仲景之確論也 傷寒脈浮而緊身軀拘急惡寒無熱少面色慘而不舒腰脊疼痛手足四末微厥此麻黃症也 傷寒脈浮而緩寸大而尺弱自汗體熱頭疼惡風寒多熱少其面光而不慘煩躁手足不冷此桂枝症也

辨傷寒傷風汗症不同

傷寒者脈緊而滿傷風者脈浮而緩傷寒無汗傷風有汗傷寒畏寒不畏風傷風畏風不畏寒大抵太陽病者必脈浮發熱惡風惡寒惡寒者不當風而自憎寒惡風者當風而憎寒也 六經皆有傷風傷寒其症各異太陽脈浮有汗爲中風脈緊無汗爲傷寒陽明善饑爲中風不食爲傷寒少陽兩耳聾目赤曾滿而煩爲中風口苦咽乾目眩爲

入醫學綱目卷三

三

傷寒若三陰傷風無變異形症但四肢痠疼餘症同三陽也 傷風見寒脈者發熱惡風煩躁手足溫而脈反浮緊蓋發熱惡風煩躁手足溫爲中風候脈浮緊爲傷寒候也 傷寒見風脈者寒多熱少不煩躁手足微厥而脈反浮緩蓋多熱少寒不煩躁手足微厥爲傷寒候脈浮緩爲中

風候也傷風見寒傷寒見風大青龍症也

發汗隨病輕重

傷寒發表須當隨病輕重而汗之故仲景有發汗者有和解者發汗如麻黃湯桂枝湯大青龍湯是也和解如小青龍湯桂枝麻黃各半湯白虎湯桂枝二越婢一湯柴胡桂枝之類是也後人不能深究寒邪深淺藥性緊慢一緊用藥因致夭傷其間縱或生全往往汗後虛乏遂至勞復或變成百病淹引歲月卒至不救此皆由汗下過度陰陽並竭血氣羸損以致此禍如遇病輕但當和解之所謂和其

榮衛以通津液令其自解可也

丹溪治傷寒表症用補中益氣湯發散海藏用神朮湯白木湯九味羌活散發散此皆和解之意不使真氣散失也傷寒連服湯劑而汗不出者如中風法蒸之使溫熱之氣於外迎之無不得汗其法用薪火燒地良久掃去以水洒之取蚕砂栢葉桃葉糠麩皆鋪燒地上可側手厚上鋪席令病人當上臥溫覆之移時汗立至候周身至脚心熱熱乃用溫粉撲之汗止上床最得力者蚕沙栢葉也糠麩乃助其厚多少隨用

治傷寒汗不出搖脚法用海蛤粉烏頭各二兩川山甲三兩爲末酒糊和丸大一寸許埋匾置患人足心下壁葱白蓋藥以帛纏定於煖室取熱湯浸脚至膝下久則水溫又添熱水候遍身汗出爲度凡一二日一次浸脚以和爲

度

灰裡看
孰深淺

傷寒裡症須看熱氣淺深故仲景有直下之者如大承氣小承氣十連大柴胡湯是也有微和其胃氣者如調胃承氣湯脾約丸少與小承氣微和之之類是也

益虛者十補勿一瀉強實者瀉之虛實等者雖瀉勿大泄之故王叔和序傷寒有承氣之戒

治大便秘結用通幽湯潤腸湯丸皆爲血氣津液不足者設也

三乘氣
分輕重
不同

藥用大承湯最緊小承湯次之調胃承氣又次之大柴胡湯又次之

大承氣湯治大實大滿滿則胃腹脹滿狀若合瓦大實則不大便也痞滿燥實四症俱備則用之雜病則進退用

之

大黃 治大實

厚朴 治大瀉

芒硝 治燥糞此二味治有形血藥也

枳實 治痞此二味治無形氣藥也

小承氣湯治痞實而微滿狀若饑人食飽腹中無轉矢氣即大承氣湯只去芒硝心下痞大便或通熱甚須可下宜此方 調胃承氣湯治實而不滿者腹如仰瓦腹中有轉矢氣有燥糞不大便而譫語堅實之症宜用之

右已上三法不可差差則無者生之有者遺之假令調胃承氣症用大承氣下之則愈後元氣不復以其氣藥犯之也若大承氣症用調胃承氣下之則愈後神癡不清以其無氣藥也小承氣症若用芒硝下之則或利不止變而成虛矣

三一承氣湯非是

三一承氣湯辨○實則瀉之人所共知如緩急輕重之劑則臨時消息焉如不惡寒反惡熱發渴譫語腹滿而喘

醫學綱目卷三

古

手足濺然汗出急下之宜大承氣湯如邪未深恐有燥糞少腹痛小承氣湯試之腹中轉矢氣者有燥糞也乃可攻之不轉矢氣者初鞭後溏尚未可攻攻之則腹滿不能食若腹不通止與小承氣湯微和胃氣勿令大泄如發汗不惡寒但實者胃實也當和胃氣調胃承氣湯主之

大熱結實者與大承氣湯小熱微結者與小承氣湯以

熱不大甚故于大承氣湯中去芒硝又以結不至堅故減

厚朴枳實如不至大堅然邪熱已甚而須攻下者亦未可

投大承氣湯必以輕緩之劑攻之于大承氣湯中減厚朴枳實加甘草乃輕緩之劑以調胃也設若大承氣湯症反

用調胃承氣湯下之則邪氣不伏小承氣湯症反用大承氣湯下之則過傷正氣而腹滿不能食故有勿大泄之戒此仲景所以分而治之未嘗越聖人之制度後之醫者以

此三藥合而為一且云通治三藥之症及傷寒雜病內外一切所傷若如此說與仲景之方甚相背戾且失軒岐緩急之旨由是紅紫亂失迷惑世人一唱百和使病者暗受其弊將何所咎哉倘有公心審是者當于內經仲景方中求之責使藥症相對以聖賢之心為心則方之真偽自可得而知矣

汗下緩急

傷寒之法先言表裏及有緩急三陽表當急裏當緩三陰表當緩裡當急又曰脈浮當汗脈沉當下脈浮汗急而下緩謂三陽表也脈沉下急而汗緩謂三陰裡也麻黃湯謂之急麻黃附子細辛湯謂之緩內經云有瀆形以為汗謂汗之緩裡之表也又云在皮者汗而發之謂汗之急表之表也急汗者太陽緩汗者少陰是藏府之輸應也假令附子麻黃細辛湯是少陰症始得發熱脈沉裏和無汗故瀆形為汗今麻黃湯是太陽症頭項痛腰脊強脈浮無汗裏和是也在皮者汗而發之可也經曰治主以緩治客以急此之謂也麻黃湯方見傷寒表裏上條

八醫學綱目卷三

五

脈浮有表為表之裡宜急汗

假令得肝脈其外症善緊面青善怒其三部脈俱弦而浮也假令得心脈其外症面赤口乾善笑其尺寸脈俱浮而洪惡寒裡和清便自調麻黃湯內加羌活防風各三錢調肝主風是膽經受病也大便秘或泄下赤水無數皆裏不和也假令得脾脈其外症面黃善噫善思善味尺寸脈俱浮而緩裡和惡寒麻黃湯內加白朮防風各三錢謂脾主濕是胃經受病也假令得肺脈其外症面白善嚏悲愁不樂欲哭其尺寸脈俱浮而濇裡和惡寒麻黃湯內加桂枝生姜各三錢謂肺主燥是大腸

受病也 假令得腎脈其外症面黑善惡欠尺寸脈俱沉而裡和惡寒麻黃湯內加附子生薑各三錢謂腎主寒是膀胱受病也

脈浮有裡為表之裡宜緩下

已上五症皆表之表也謂在皮者急汗而發之皆腑受病也表之裏者下之當緩謂隨臟表症外顯尺寸脈俱浮而復有裏症謂發熱飲水便利赤色或洩下赤水其脈浮按之內實或痛麻黃湯方去麻黃杏仁隨臟元加藥同煎分作五服每下一症初一服加大黃五分如邪未盡又加大黃一錢未盡再加大黃一錢半直候邪盡則止此先緩而後急是表之裏宜下之當緩也

麻黃附子細辛湯方見下少陰但欲寐條

脈沉有表為裡之表宜緩汗

假令得肝脈其內症滿悶淋洩便難轉筋其尺寸脈俱沉而弦裏和惡寒肝經受病麻黃附子細辛湯內加羌活防

賢學綱目卷三

七六

風各三錢 假令得心脈其內症煩心心痛掌中熱而噦其尺寸脈俱洪裏和惡寒心經受病於前湯內加黃芩石膏各三錢 假令得脾脈其內症腹滿脹食不消怠墮嗜卧其尺寸脈俱緩裡和惡寒脾經受病加白朮防己各三錢 假令得肺脈其內症喘嗽洒淅寒熱其尺寸脈俱澀裡和惡寒肺經受病加生薑桂枝各三錢 假令得腎脈其內症泄瀉下重足脛寒而逆其尺寸脈俱沉裡和惡寒此腎經受病加姜附各三錢

脈沉有裡為裡之裡宜急下

已上五症裡之表也宜瀆形以為汗皆臟受病也裏之裏者下之當急謂隨臟內症已顯尺寸脈俱沉而復有表症謂小便赤大便秘瀉或瀉下赤水或瀉或咳不能飲食不惡風寒發熱引飲其脈俱沉按之內實而痛此謂裡實宜速下之麻黃附子細辛湯內去麻黃隨臟元

忌汗症

加藥同煎分作三服每下一症初一服加大黃三錢邪盡即止如邪未盡第二服加大黃二錢又未盡第三服加大黃一錢此先急而後緩是裡之裡也宜速下之

忌表症

汗 非脈浮不可發汗

其脈微弱或尺脈遲者不可表 其人當汗而衄血者不可表 壞病者不可表 婦人經水適來者不可表 風溫者不可表 濕溫者不可表 虛煩者不可表 病人腹間左右上下有築觸動氣者不可表

壞症表

曾經發汗若吐若下若溫病仍不解者為壞病 脈尺寸俱浮頭痛身熱常自汗體重其息必喘其形不仁默默但欲眠者為風溫 兩脛逆冷胸腹滿頭目痛苦妄言必多汗者為濕溫 與傷寒症相似但不惡寒身不疼痛脈不

入醫學綱目卷三

七

緊者為虛煩 臍上下左右有動氣按之牢若痛者為動氣

誤汗表症

太陽咽乾鼻衄淋漓小便不利皆不當汗已經發汗不得重發如無已上忌症雖經發汗邪氣未盡亦當重發之

當汗不汗則生黃其症為風寒所傷陽氣下陷入內而與寒水上行於經絡之間本當發汗以徹其邪醫失汗之故生黃也脾主肌肉四肢寒濕與內熱相合故生黃也 不當汗而汗為畜血之症燥火也當益津液為上而反汗以亡之其毒擾陽之極則侵陰也故燥血畜于胃中也 當汗而發汗過多腠理開泄汗漏不止故四肢急難以屈伸也

忌下症

非陽明之本病不可下陽明本病胃家實故也 非痞滿燥實不可下 非潮熱發渴不可下 非罵詈親疎不

可下 非脈沉數不可下 非棄衣而走登膏而歌如見
鬼狀不可下

治脈浮者不可下 脈虛者不可下 惡寒者不可下

嘔吐者不可下 不轉矢氣者不可下 轉矢氣者 下泄也 小便

清者不可下 大便堅小便數不可用承氣湯攻之 乃脾 約丸

也 大便鞭小便少者未可攻 陽明病自汗出若發汗

小便自利者不可下 宜用蜜 煎導之

不可和 症 非脇肋急痛者不可和 非

留滿而嘔者不可和

診可解 症 太陽傳陽明其中或有下症陽明症反退而無熱與不

渴却頭少陽症是知可解也 太陽症知可解者為頭不

痛項不强肢節不痛則知表易解也 陽明症知可解者

為無發熱惡熱則知裡易解也 少陽知可解者寒熱日

不移時而作邪未退也若用柴胡而移其時早移之于晏

晏移之于早氣移之于血血移之于氣是邪無可容之地

知可解也 可解之脈浮而虛不可解之脈浮而實浮而

虛者只在表浮而實者知已在裏也汗多不解者轉屬陽

明也 傷寒不頭痛知邪不在經若頭痛知邪在經也

六陽傳足傳手經則愈 陽中之陰水太陽是也為三陽

之首能巡經傳亦能越經傳 陽中之陽土陽明是也陽

明為中州之主主納而不出如太陽傳至此名曰巡經傳

也 陽中之陽木少陽是也上傳陽明下傳太陰如太陽

傳至此為越經傳 陰中之陰土太陰是也上傳少陽為

順下傳少陰為逆如傳少陰為上下傳也如太陽傳太陰

為悞下傳也 陰中之陽火少陰是也上傳太陰為順下

傳厥陰為逆如太陽至此乃表傳裏也 陰中之陰木厥

六經病傳

陰是也上傳少陰為實再傳太陰為自安

太陽六傳 太陽者巨陽也為諸陽之首膀胱經病若湯者自入于本也名曰傳本 太陽傳陽明胃土者名曰巡

經傳為發汗不盡利小便餘邪不盡透入于裏也 太陽傳少陽膽木者名曰越經傳也為元受病脈浮自汗宜用

麻黃湯而不用故也 太陽傳太陰脾土者名曰悞下傳為元受病脈緩有汗常用桂枝而反下之所致也當病腹

痛四肢沉重 太陽傳少陰腎水名曰表傳裏為病急當下而反不攻不發所以傳裡也 太陽傳厥陰肝木者為

陰不至於首惟厥陰與督脈上行太陽相接管巡經得度傳

有人病傷寒無汗惡風項既屈而且強予曰項強几几葛根湯症或問曰何謂几几予曰几几者如几疾屈而強

也謝復古謂病人羸弱須憑几而起悞也蓋仲景論中極有難曉處振振欲擗地心中懊憹外氣拂鬱鬱員不仁膈內拒痛如此之類甚多成無己云几音殊几為短羽鳥不能飛屬動先伸引其頸項背強者動亦如之非若几案之几可輕屈也甚得仲景之旨

太陽病

發熱

惡寒

惡風

頭痛

項強

身体痛

脈浮緩
有汗者
為中風
宜桂枝湯

太陽之為病脈浮頭項強痛而惡寒 太陽病發熱汗出惡風脈緩者為中風 太陽中風陽浮而陰弱陽浮者熱

自發陰弱者汗自出當審惡寒游游惡風翕翕發熱鼻鳴乾嘔者桂枝湯主之 太陽病頭痛發熱汗出惡風者桂

枝湯主之 太陽病發熱汗出者此為榮弱衛強故使汗出欲救其風者宜桂枝湯 病人臟無他病時發熱自汗

出而不愈者此衛氣不和也先其時發汗則愈宜桂枝湯

桂枝湯方
桂枝 芍藥 生姜各三兩 甘草二兩

大棗十二枚

右咬咀每服五錢水煎去渣溫服須臾飲熱稀粥一盞以助藥力令一時許遍身發熱微汗者佳不可令如水淋漓若一服便得汗勿再服 或無汗或小便數手足冷者不可服活人云桂枝麻黃若夏月用加黃芩知母石膏總不如陶尚文用羌活冲和湯為最穩

右桂枝湯許學士云有人病發熱惡寒自汗脈微弱而浮三服湯而愈此方在仲景一百十三方內獨冠其首今人全不用何也仲景云太陽中風陽浮而陰弱陽浮者云至翁翁發熱宜桂枝湯此脈與症仲景說得甚

醫學綱目卷三

辛

明後人看不透所以不敢用也

假令寸口脈微名曰陽不足陰氣上入陽中則洒淅惡寒也尺脈弱名曰陰不足陽氣下陷入陰中則發汗也此謂元氣受病而然也又曰陽微則惡寒陰微則發熱醫既汗之使陽氣微又大下之令陰氣弱此謂醫所使也大抵陰不足陽往從之故內陷而發熱陽不足陰往乘之故陰上入陽中則惡寒舉此二端明白易曉何憚而不用桂枝湯哉

太陽病頭痛發熱身疼腰痛骨節疼痛惡風無汗而喘者

麻黃湯主之

麻黃 去節先煮去汗 桂枝三兩

桂枝二兩

杏仁 七十個 去皮尖

甘草 兩

右咬咀每服五錢水煎溫服覆取微汗不須飲粥有汗

脈浮緊無汗者宜麻黃湯

者勿服

太陽中風脈浮緊發熱惡寒身疼痛不汗出而煩躁者大青龍湯主之若脈微弱汗出惡風者不可服服之則厥逆筋惕肉潤此為逆也傷寒脈浮緩身不疼但重乍有輕時無少陰症者大青龍湯發之

大青龍湯方

麻黃

去節炮去汗三兩

桂枝去皮

石膏碎

甘草

炙各一兩

生姜切一兩半

大棗六枚

杏仁去皮尖

右咬咀每服五錢水煎溫服取汗為度若汗周身潤止後服未汗可待相次服盡不欲汗多恐亡陽故也若汗不止用溫粉撲之

溫粉方

白朮

藁本

川芎

白芷各等分

入醫學綱目卷三

三

右研為細末每末一兩入米粉三兩和勻撲周身止汗若汗過多恐亡陽遂厥逆惡風煩躁不得眠故宜以此粉止之

右中風脈當浮緩今反浮緊緩者大青龍症也

發熱惡風煩躁手足溫為中風候脈浮緊為傷寒脈是中風見寒脈也寒多熱少不煩躁手足微厥為傷寒候脈浮緩為中風脈是傷寒見風脈也蓋脈似桂枝反無汗病似麻黃反煩躁是也

許學士云仲景治傷寒一則桂枝二則麻黃三則青龍桂枝治中風麻黃治傷寒青龍治中風見寒脈傷寒見風脈三者如鼎立人皆能言之而不曉前人處方用藥之意故醫遂多不用無足怪也且脈緩而浮者中風也故齋齋惡風泝泝惡寒翁翁發熱仲景以桂枝對之脈浮緊而瀉者

傷寒也故頭痛發熱身疼腰痛骨節疼痛惡寒無汗而喘仲景以麻黃對之至於中風脈浮緊傷寒脈浮緩仲景皆以青龍對之何也予嘗深究三旨若症候與脈相對無不應手而愈何以言之風傷衛衛氣也傷寒榮榮血也榮行脈中衛行脈外風傷衛則風邪干陽陽氣不固發越而為汗是以自汗是表虛故仲景用桂枝以發其邪芍藥以和其血蓋中風則病在脈之外其病稍輕雖同曰發汗特解肌之藥耳故仲景于桂枝症云令半身熱熱微似有汗不可如水淋漓病必不除是知中風不可大發汗汗過則反動榮血邪氣乘虛襲之故病不除也寒傷榮則寒邪入陰血而榮行脈中者也寒邪居脈中非特榮受病邪自內作則併與衛氣犯之久則浸淫及骨是以汗不出而執齒乾而煩寃仲景以麻黃發其汗又以桂枝甘草助其發散欲

滌除内外之邪榮衛之病爾大抵二藥皆發汗以桂枝則發其衛之邪麻黃并榮與衛治之亦自有淺深也何以驗之仲景桂枝第十九症云病當自汗出者此為榮氣和榮氣和者外不諧以衛氣不共榮氣諧和故爾以榮行脈中衛行脈外復發其汗榮衛和則愈宜桂枝湯又四十七症云發熱汗出此為榮弱衛強故使汗出者欲救邪風宜桂枝湯是知中風汗出者榮和而衛不和又第一卷云寸口脈浮而緊浮則為風緊則為寒風則傷衛寒則傷榮榮衛俱病骨節煩疼當發其汗是知傷寒浮緊者榮衛俱病也麻黃湯中并用桂枝此仲景之言也至於青龍雖治傷風見寒脈傷寒見風脈之病然仲景又云汗出惡風者不可服之服之厥逆便有筋惕肉澗之症故青龍一症尤難用藥須是形症諦當然後可行故王寔夫症止用桂枝麻黃

各半湯治之蓋慎之也

太陽病項強有汗者葛根湯

太陽病項背強几几反汗出惡風者桂枝加葛根湯主之

桂枝

葛根各二兩

芍藥

甘草各一兩

生姜一兩

大棗六枚

右啖咀每服五錢水煎溫服覆取汗

無汗者葛根湯

太陽病項背強几几無汗惡風葛根湯主之

葛根湯方

葛根四兩

麻黃

生姜各三兩

桂枝

芍藥

甘草各二兩

大棗十二枚

右啖咀每服五錢去查溫服覆取微汗為度

太陽病脈微身不痒者宜桂枝

太陽病發熱惡寒熱多寒少脈微弱者此無陽也不可發汗宜桂枝二越婢一湯

宜桂枝

汗宜桂枝二越婢一湯

醫學綱目卷三

三

各半湯

桂枝二越婢一湯方

桂枝

芍藥

麻黃去節

甘草各三錢

生姜兩

石膏半斤

大棗六枚

右啖咀每服五錢水煎溫服

脈微身痒者宜桂枝各半湯

太陽病得之八九日如瘧狀發熱惡寒熱多寒少又其人嘔清便欲自可一日二度脈微緩者為欲愈也脈微而惡寒者此陰陽俱虛不可更發汗更下更吐面色反有熱色者未欲解也以其不能得小汗出身必痒宜桂枝麻黃各半湯

各半湯

桂枝麻黃各半湯

桂枝兩

芍藥

生姜

甘草

麻黃各半兩

大棗六枚

杏仁十二粒

右啖咀每服五錢水煎溫服

太陽中
陽症

凡仲景稱太陽病者皆表症發熱惡寒頭項強痛也若脈浮大則與症相應宜發汗今見表症而脈反微不與症應故不可發汗但用一二各半湯等和之可也

太陽中
陽症
人參湯方論見

若太陽中陽發熱惡寒脈微弱手足逆冷而渴者白虎加

太陽中
陽症

太陽六七日表症仍在脈微而沉反不結胃其人發狂者

以熱在下焦少腹當鞭滿小便自利者下血乃愈所以然者以太陽隨經瘀血在裏故也抵當湯王之

抵當湯方

水蛭炒去子并

黃虫各十枚炒

大黃二

桃仁七枚去皮

右作一服水一盞煎溫服

太陽病身黃脈沉結小腹鞭小便不利者為無血也小便

醫學綱目卷三

孟

自利其人如狂者血症諦也亦抵當湯王之

凡仲景稱太陽症脈沉者皆謂發熱惡寒頭項強痛而脈反沉也其症兼發狂小腹硬者為畜血此條抵當湯是也

兼關節痛小便不利身黃者為濕痺論見濕痺

兼卒口噤背反張者為瘕若無汗惡寒名剛瘕宜葛根湯若有汗不惡寒名柔瘕宜瓜蒌桂枝湯方論見瘕

太陽陰
症

病發熱頭痛脈反沉若不瘕身軀疼痛當救其裏宜四逆

湯方見
下刊

少陰病但欲寐始得之發熱脈沉者麻黃附子細辛湯論見

麻黃附子細辛湯方

麻黃去節

細辛各二

附子一枚炮

右咬咀每服五錢水煎溫服

太陽病不惡寒者兼清溫病兼汗者不解者即太陽病

凡仲景稱太陽病不惡寒者皆謂發熱頭項強痛脈浮而反不惡寒也其証兼渴者為溫病兼汗出者為柔痙方論見溫病柔痙

傷寒六七日發熱微寒肢節煩疼微嘔心下支結外症未去者柴胡加桂枝湯主之

柴胡加桂枝湯方

柴胡兩

桂枝

黃芩

人參

芍藥

生姜各半兩

半夏錢四

大棗枚

甘草三錢

右咬咀每服五錢水煎溫服

凡仲景稱表不解者皆謂太陽病發熱惡寒頭項強痛脈浮也蓋病雖屬太陽表症而有裡証兼之者則不言

醫學綱目卷三

五

太陽病但稱表不解也其蕪心下支結者此條柴胡桂枝湯是也論見曾痛

兼心下有水氣乾嘔而欬者小青龍也方論見欬兼脇痛手

足溫而渴者小柴胡也兼心下痞者先用桂枝解表後

以瀉心攻痞也方論見痞兼下利腹滿脹者先以四逆溫裏

後以桂枝攻表也方論見下利

太陽欲解候

太陽病欲解時從巳至未解太陽病未解脈陰陽俱停

必先振慄汗出而解但陽脈微者先汗出而解陰脈微者

下之而解若欲下之調胃承氣湯主之下之宜解疑衍文太陽

病脈浮緊發熱身無汗自衄者愈

太陽表未解忌下

太陽外症未解不可下之下之為逆欲解外者宜桂枝湯

主之

大小調胃三承氣湯必須脈浮頭痛惡風惡寒表症盡

罷而反發熱惡熱譫語不大便方可用之若脈浮緊下之必結習若脈浮緩下之必痞氣

許學士云常記一親戚病傷寒身熱頭痛無汗大便不通已四五日予訊問之醫者治大黃朴硝等欲下之予曰子姑少待予為視之脈浮緩居密室中自稱甚惡風予曰表症如此唯大便不通數日腹且不脹別無所苦何遽便下之大抵仲景法須表症罷方可下不爾則邪乘虛而入不為結習必為熱利也予作桂枝麻黃各半湯繼以小柴胡藥發汗出大便亦通而解 仲景云凡傷寒之病多從風寒得之始則表中風寒入裏則不消矣擬欲攻之當先表解乃可下之若表已解而內不消大滿大堅實有燥糞者自可除下之雖四五日不能為禍也若不宜下而便攻之內虛熱入為挾熱自利煩燥之變不可勝數輕者困篤重者必死矣 原本正文重疊予刪正此段其理甚明大抵風寒入裏不消必有燥糞或大便堅秘須是脈不浮不惡風表症罷乃可下之大便雖四五日不通亦無害若不顧表而下遂為挾熱利也

醫學綱目卷十

三

表裏發熱

表裏發熱症

發熱惡寒脈浮者屬表即太陽症也方論見前發熱汗出不惡寒反惡熱者屬裏即陽明症也方論見陽發熱

脈弦細頭痛者屬半表半裡即少陽症也論見口發熱而嘔者小柴胡湯論見發熱欬嗽表不解者小青龍湯

兼脇痛喜嘔者小柴胡加乾姜五味子湯方論發熱而喘表不解者小青龍去麻黃加杏仁湯兼習滿者麻黃湯

方論發熱口渴有屬表者有屬裏者治法方論甚眾並見

門

汗後發熱汗解半日許復煩躁脈浮數大者可更發汗宜桂枝湯論見煩

汗後發熱惡寒者虛故也不惡寒但惡熱者實也當和胃氣宜調胃承氣湯太陽病三日發汗不解蒸蒸發熱者

屬胃也調胃承氣湯主之海藏云大黃洩實芒硝軟堅甘草和沖必燥實堅三症全者可

調胃承氣湯方

大黃一兩海藏云宜酒浸蓋邪氣居高非酒不到芒硝九錢海藏云辛甘草半兩炙以酒之醎以軟之

右咬咀水一盞煮大黃甘草至七分去渣入芒硝更上火微煮令沸溫服

八醫學綱目卷三

毛

汗之仍發熱汗出不解心下痞鞭嘔吐而利者大柴胡湯論見

發汗後身灼熱脈浮汗出身重多眠鼻鼾者風溫論見發汗後仍發熱心悸頭眩身潤動振振欲擗地者宜真武湯論見

汗出熱不去內拘急四肢痠下利厥逆惡寒者宜四逆湯論見大汗出脈陰陽俱盛不解者死論見大

下之仍發熱太陽病先發汗不解而復下之脈浮者不愈浮為在外而反下之故令不愈今脈浮故知在外當須解外則愈桂枝湯主之

汗下後仍頭痛發熱心下滿小便不利者桂枝湯主之

去桂加茯苓白朮湯論見大下後身熱不去心中結痛者梔子豉湯主之論見

乾姜湯方類陽明病下之其外有熱手足溫心中懊懣飢不能食但頭汗出者梔子豉湯論見

過吐發熱 太陽病當惡寒今自汗出不惡寒發熱關脈細數者以醫

吐之過也一二日吐之者腹中飢口不能食三四日吐之者不喜糜粥欲食冷食朝食暮吐以醫吐之所致為小逆

發熱脈浮二症 瘥後更熱者小柴胡湯脈浮者以汗解脈沉者以下解

傷寒脈浮滑此表有熱裏有寒白虎湯主之

白虎湯方

知母三

甘草一兩

粳米合

石膏八兩

右咬咀每服五錢水煎溫服

脈浮而遲表熱裏寒下利清穀者四逆湯

論見

下利厥

逆汗出熱不去者四逆湯

發熱厥逆二症

少陰病下利清穀厥逆裏寒外熱者通脈四逆湯

論見

方論見

身熱手足逆冷而脈虛當夏月發者為中暑

論見

發熱下利四症

傷寒表不解乾嘔發熱而咳下利者小青龍去麻黃加芫

花湯

熱鼻乾脈浮大而長者宜葛根湯

遲脈逆者通脈四逆湯

頭寒曾滿往來寒熱脈浮大而弦者宜黃芩湯

下利清穀脈沉遲其人面赤微熱而厥者必鬱冒汗出自

解

厥逆躁不得汗者死

發熱下利厥逆躁不得卧者死

發熱吐利二症

發熱吐利心下痞硬者大柴胡湯渴者五苓散不渴者理

發熱者血二症

發熱經水適來適斷小柴胡湯刺期門

醫學綱目卷十

末

發熱者血二症

發熱經水適來適斷小柴胡湯刺期門

病甚者為五十九刺穴見溫病門

太陽病發熱續法

傷寒多由內傷

此篇集丹溪海藏諸賢治傷寒皆以補養兼發散之法實本經成敗倚仗生於動動而不已則變作及風雨寒熱不得虛邪不能獨傷人之旨也蓋凡外傷風寒者皆先因動作煩勞不已而內傷躰虛然後外邪得入故一家之中有病者有不病者由躰虛則邪入而病躰不虛則邪無隙入而不病也是故傷寒為病屬內傷者十居八九後學無知舉世皆謂傷寒無補法但見發熱不分虛實一利下汗而致夭橫者滔滔皆是此實醫門之罪人也今集此法於仲景之後其應如響使人遵之不犯虛虛實實之戒也

丹溪蓋補發散

傷寒主乎溫散有卒中天地之寒氣者有口食生冷之物者故傷寒為病必須身犯寒氣口食寒物者是以從

醫學綱目卷三

五

補中益氣湯加發散藥屬內傷者十居八九其法邪之所奏其氣必虛只用補中益氣湯中從所見之症出入加減氣虛甚者少用附子以行參朮之氣補中益氣湯方見治發熱內傷之病專主東垣內外傷辨甚詳世之病此者為多但有挾痰挾外邪者鬱熱於內而發者皆以補元氣為主宜看其所挾而兼用藥

一男子素嗜酒因暴風寒衣薄遂覺倦怠不思飲食半日至睡後大發遍身疼痛如被杖微惡寒天明診之六脈浮大按之豁然左為甚予作極虛受風寒治之人參為君黃芪白朮歸身為臣蒼朮甘草木通乾葛為佐使大劑與之至五貼後通身汗如雨凡三易被得睡覺來諸症悉除

白朮

陳皮

乾葛

蒼朮各三錢

人參

川芎各錢

黃芪

歸身

木通各一錢 甘草五分

右分三貼水煎服

盧兄年四十九歲自來大便下血脈來沉遲澀面黃神倦者二年矣九月間因勞倦發熱自服參蘇飲二貼熱退早起小勞遇寒兩手背與面紫黑昏仆少時却醒身大熱妄語口乾身痛至不可眠脈之三部不調微帶數重取虛豁左手大於右手以人參二錢半帶節麻黃黃芪各一錢白朮二錢當歸五分與三五貼得睡醒來大汗如雨即安兩日後再發脇痛欬嗽若睡時嗽不作而妄語且微惡寒診其脈似前而左略帶緊予曰此躰虛再感寒也再以前藥加半夏茯苓至十餘貼再得大汗而安後身倦不可久坐不思飲食用補中益氣去涼藥加神麴半夏砂仁五七十貼而安

醫學綱目卷三

三

一丈夫因勞倦發熱甚倦不可以傷寒治之用

人參四錢

白芍藥

陳皮

當歸各三錢

黃芪三錢半

蒼朮二錢

木通一錢

甘草少

右分三貼水煎溫服

一丈夫發熱五日倦甚略渴得洪脈不甚數略重則散大此內傷症也用

白朮二錢

人參

陳皮

柴胡各錢半

黃芪

蒼朮各一錢

木通六分

甘草少

右分二貼水煎服

一丈夫倦甚口乾發熱汗不出用

陳皮三錢

人參

白朮

蒼朮各二錢

乾葛半錢

黃芪

木通各一錢

右分二貼水煎服

一丈夫發熱振矐倦怠口渴

人參

白朮

白芍

柴胡各二錢

陳皮三錢

黃芪一錢

木通半錢

甘草少

右分四貼水煎熱飲

王孺人因辛苦發熱

芍藥五錢

白朮三錢半

人參

當歸各二錢

陳皮一錢

川芎

甘草

木通各錢半

右分四貼水煎溫服

第四女發熱冒風冷

麻黃

人參各五分

蒼朮一錢

甘草少

右水煎服溫

右十方皆補養中氣兼發散之劑

寒多者補散加姜附

杭州葉君章臘月因齋素中飢而胃寒作勞遂患發熱頭

醫學綱目卷三

三

痛醫與小柴胡湯遂自汗神昏耳聾目不見物予診其脈大如指似有力熱不退與人參黃芪白朮熟附炙甘草作大劑之一日而汗少二日而熱減半耳微有聞目能視物初用藥至四貼前藥中加蒼朮與兩服再得汗而熱除本日遂去蒼朮附子又與前藥作小劑服三日而安 呂仲修年六十六歲正月間因忍飢胃寒作勞頭疼惡寒發熱骨節皆疼無汗至次日妄語熱愈甚而妄語時止時作熱亦不為十分自服參蘇飲兩貼汗不出又再進一服以衣覆取汗大出而熱不退至第四日子診其脈兩手皆洪數而右為甚此因飢而胃寒加之作勞陽明經雖受寒氣不可攻擊當急以大劑補之以回其虛俟胃氣充實自能出汗而解遂以參芪白朮歸身陳皮炙甘草每貼加熟附子一片一晝夜服五貼至第三日口稍乾言語有次諸症雖

解而熱未退遂去附子加白芍又兩日思食却作肉羹間與之又三日精神全二日許自汗出而熱退診其脈不數洪脈却尚有些洪脈作大脈論年高而誤汗此後必有虛症見又與前藥至次日言我大便自病來不曾更衣衣令穀道逼痛坐努責狀如不堪醫者必欲投大黃巴芩等劑予謂大便非實秘爲是氣因誤汗而虛不得充腹無力可努仍與前補藥以肉粥及菴菔與之一日半煎濃茵椒湯浸下躄方下大便軟塊者五六枚診其脈仍舊大未欵此因氣血未得回復又與前藥兩貼經兩日小便不通少腹下妨悶頗爲所苦但仰臥則點滴而出予曰補藥服之未盡於前藥內倍加參芪大劑服兩日小便方利而安陶明節年十九歲不憚勞動不息農作忽一日因勞倦大發熱而渴恣飲冷泉水數碗次日熱退目不識人言語謬誤自

言肚痛不能轉側飲食不進身戰掉不自持又二日求予診之兩手濇而大而有爲甚遂於氣海灸三十壯用白朮二錢黃芪二錢熟附一片陳皮五分與十貼不効又增發熱微渴餘症仍在却可進一匙稀粥予曰此氣欲利而血未應也於前藥內去附子加當歸以和血因有熱加人參一錢半服三十貼而安

海黃芪湯治傷寒兩感拘急三焦氣虛自汗及手足汗出或手背偏多或肢躄振搖腰腿沉重面赤目紅但欲睡眠頭面壯熱兩脇熱甚手足自溫兩手心熱自利不渴大便或難或如常度或口乾咽燥或渴欲飲湯不欲飲水或少欲飲水嘔噦間作心下滿悶腹中疼痛或時喜笑或時悲哭或時太息或時語言錯亂疑作譫言狂語者非也神不守舍耳始得病于寤寐之間或恐悸頭項不甚痛行步只

如舊此陰盛陽虛之故也兩手脈浮沉不一或左或右往來不定有沉瀉弱微弦五種陰脈形狀按之全無力浮之損小沉之亦損小皆陰脈也宜先緩而後急緩宜用黃芪湯

黃芪湯方

人參

生姜

黃芩

白茯苓

白朮

芍藥

甘草

嘔者加藿香

陳皮

各五錢

甚者加乾姜

炮一錢

右咬咀水煎量症加減多少用之 如大便秘結者調

中丸主之

調中丸方

人參

白朮

白茯苓

乾姜

甘草

各等分

醫學綱目卷三

三

右為末煉蜜丸每兩作十九或五丸每服一二丸水少許煎服若病急者黃芪湯每服加乾姜一錢大便結者

理中丸主之

理中丸方

人參

白朮

乾姜

炮忍熱以生姜代之

甘草

炙

右等分為末煉蜜丸每兩作五九白湯化下先緩後急也若尤急者無汗宜附子乾姜甘草湯若自汗者宜白朮附子甘草湯量脈症可於四逆湯或真武湯或通脈四逆湯選用之

馮內翰姪櫟年十六病傷寒目赤而煩渴脈七八至醫欲承氣湯下之已煮熟矣偶東垣從外來馮告之故東垣切脈大駭曰幾殺此兒彼以脈數為熱今脈七至是極熱

也殊不知至真要大論云病有脈從而病反者何岐伯對曰脈至而從按之不鼓諸陽脈皆然此陰盛格陽於外非熱也取姜附來吾以熱因寒用之法治之治藥未就而病者爪甲已青頓服八兩汗漸出而愈

右七法補蕪發散隨所見症加姜附甚者熟附微者乾姜又甚者姜附蕪施皆反治法也

熟多者補散加

盛孺人年四十歲外冷內熱身疼頭痛倦怠脈虛微瀼

川芎 柴胡 芍藥各半兩 羌活

黃柏錢炒 南星錢一 甘草錢三

右分兩貼生姜三片水煎熱服

沈材妻年五十餘滿身骨節痛半日以後發熱黃昏至半夜却退

蒼朮 陳皮 羌活各一錢 白朮錢半

醫學綱目卷三

木通 炒柏 通草各五分

右咬咀水煎溫服

丁親家於久瘧後暑月漲水又勞苦腿肢痛漸漸渾身痛脇亦痛發熱脈却瀼不甚數予曰此勞倦乏力治用

白朮 黃芪 蒼朮 陳皮各一錢

人參 黃柏酒炒各五分 木通錢三 甘草錢二

右咬咀水煎下龍薈丸

小阿婆午後發熱遍身痛血少月經黑色大便閉用

芍藥錢五 黃芩 蒼朮各三錢 黃柏酒炒

木通錢二

右咬咀水煎服

右四方兼補發散隨所見脈症加炒柏龍薈皆正治法

也

痰病者陳小娘年二十發熱目閉開口則熱甚渴思水解脈瀉而
補散加
消導
濁瀨此食痰也治用

黃芩 甘草 木通各五分 陳皮

白朮 乾葛各一錢 黃連 桔梗各六分

右咬咀水煎下保和丸二二十九

一丈夫因恐發熱心不安用南星白茯苓各五錢朱砂二錢已上為六貼再用

人參 當歸 柴胡各三錢 黃芩

川芎 木通各二錢 甘草 紅花各五分

右分四貼水二盞半入金銀器同煎至一盞去香熟調服

右二方兼補發散隨所見症加食積痰藥

海神木湯治內傷冷飲外感寒邪無汗者

入醫學綱目卷三 五

蒼朮 制 防風各二兩 甘草炒一兩

右咬咀加葱白生姜同煎服如太陽症發熱惡寒脈浮而緊者加羌活二錢 如太陽症脈浮緊中帶弦數者

是兼少陽也加柴胡二錢 如太陽症脈浮緊中帶洪者是兼陽明也加黃芩二錢婦人服者加當歸或加木

香湯或加葶本湯各二錢 如治吹妳煎成調六一散三五錢神効

神木湯 加飛例

又神木湯六氣加減例 太陽寒水司天 加羌活桂枝餘歲非時變寒亦加冬亦

加 陽明燥金司天 加白芷升麻餘歲非時變涼濕亦加秋

亦加 少陽相火司天 加黃芩地黃餘歲非時變雨濕亦加夏

亦加

太陰濕土司天 加白朮薑本餘歲非時變熱濕亦加夏末秋初亦加

少陰君火司天 加細辛獨活餘歲非時變熱亦加春末夏初亦加

厥陰風木司天 加川芎防風餘歲非時變溫和亦加春亦加

已上神木湯六氣加減法非止爲司天之氣設也至於歲之主氣與月建日時同前應見者皆當隨所見依土例加減之按海藏此論與戴人云病如不是當年氣看與何年運氣同便向此中求妙法方知皆在至真中之歌相表裏實發前人之所未發也蓋海藏此論所謂某氣司天加某藥者治常氣之法也所謂隨所應見加減

八 醫學綱目卷三

三十一

者治變氣之法也戴人所謂看與何年同氣求治法者亦治變氣之法也能將二公之法擴充行之則內經運氣之本義燦然矣夫內經論運氣有常氣有變氣常氣者有定紀如其年屬某氣司天當寒某年屬某氣司天當熱是也變氣者無定紀如其年屬某氣司天當寒反變熱當熱反寒是也王氏註文釋以經無定紀之變氣作有定紀之常氣使後學皆以年歲占運氣而其應者十無一二是以人莫之信而其道湮晦久矣二公生於數千百年之後復啓其端而續之與程朱續孔孟不傳之緒同功也今僕謹於海藏逐年司天加藥之後伸餘歲變常之義其意有不盡者別述運氣類註定之同志之士幸究心焉

以白朮代桂枝

白朮湯治內傷冷物外感風寒有汗者

白米三

防風兩

甘草一兩

右咬咀每服三錢水一盞姜三片煎至七分溫服一日
止一二服待二三日漸漸汗少為解

又白米湯治傷寒上解三陽下安太陰

白米

如汗之散
用蒼米

防風各一兩

右咬咀水煎至七分溫服用後方加減 若發熱引飲

者加黃芩甘草 頭疼惡風者加羌活散三錢羌活一

兩半川芎七錢細辛二錢半去 若身熱目痛者加石

膏湯四錢石膏二錢知母半兩白芷七錢 腹中痛者

加芍藥湯三錢芍藥一兩桂枝半兩 往來寒熱而嘔

者加柴胡散三錢柴胡一兩半夏半兩 心下痞者加

枳實一錢 若有裏症加大黃一錢量虛實加減之邪

去止服

醫學綱目卷三

三七

黎古以川芎湯有汗不得服麻黃無汗不得服桂枝然春夏汗孔踈雖
代麻黃有汗不當服桂枝宜用黃芪湯和解之秋冬汗孔閉雖無
以黃芪湯代桂汗不當服麻黃宜用川芎湯和解之春夏有汗脈微而弱
惡風惡寒者乃太陽症秋冬之脈也宜用黃芪湯無汗亦
用川芎湯秋冬有汗脈盛而浮發熱惡熱者乃陽明症春
夏之脈也宜用黃芪湯無汗亦用川芎湯大抵有汗皆宜
黃芪湯無汗皆宜川芎湯主之

黃芪湯有汗則能止之

白米

黃芪

防風各等分

右咬咀每服五七錢至一兩水煎溫服汗多惡風甚者

加桂枝

川芎湯無汗則能發之

川芎

蒼米

羌活各等分

右咬咀每服五七錢至一兩水煎熱服無汗惡風甚者加麻黃一二錢

法云五臟之脈寸關尺也今止言寸尺陰陽也若陽緩而陰急表和而裏病陰緩而陽急裏和而表病

表症且尺脈遲弱者先補血

黃芪建中加當歸湯治發熱頭疼脈浮數而尺中遲弱者宜先服此藥補血却與麻黃桂枝章

黃芪

當歸各兩

白芍

桂枝

甘草各一兩

右咬咀每服五錢姜三片枣一枚水煎日三夜二服如脈尚沉遲再進一服

有汗不得服麻黃無汗不得服桂枝若未瘥則其變不可勝言故立此法使不犯三陽禁忌解表神方

九味羌活湯 陶尚節註云不問四時但有頭疼骨節痛發熱惡寒無汗脈浮緊者宜用此湯以代麻黃

八 醫學綱目卷三

三

為總當如頭疼發熱惡風自汗脈浮緩者宜用加減冲和湯即羌活湯中減蒼朮加白朮細辛加黃芪是也

羌活 主乃是捲亂反正之痞也故大無不通小無不入關節痛者非此不降

防風 一兩半治一身盡痛乃卒伍卑賤之下職一聽君命將冷而行隨所使引至之

細辛 腎經頭痛 川芎 一兩治厥陰頭痛在胃

蒼朮 雄壯上行之藥能除濕下氣及安

白芷 經頭痛在額 生地 心熱在內

甘草 一兩能緩裏急調和衆 黃芩 一兩治太陰

已上九味雖為一方然亦不可執執中無權猶執一也當視其經絡前後左右之不同從其大小輕重之不一增損用之其効如神用咬咀水煎服若急欲汗者須熱服以羹粥投之若緩欲汗者溫服而不用湯粥投之脈浮而不解者先急後緩脈沉而不解者先緩後急九

解表雜方

味羌活湯不獨解利治雜病神効如中風行經者加附子中風秘澁者加大黃中風拜三氣合痺等症者各隨十二經絡上下內外寒熱溫涼四時六氣加減補瀉用之煉蜜丸亦可加生地各半治傷寒兩感如神用豆淋酒治破傷風

保和餅四時傷寒混餅六經不犯禁忌大白朮湯

白朮 石膏 防風 羌活各二錢

黃芩 五錢 白芷 半錢 知母 七錢 甘草 一錢

枳實 半兩 細辛 三錢

右咬咀每服半兩水煎溫服未解更一服春倍加防風羌活夏倍加黃芩石膏季夏溼雨倍加白朮白芷秋加桂五錢冬加桂八錢或一兩

每五積散治陰經傷寒脾胃不和及感寒邪

醫學綱目卷三 元

白茯苓 厚朴 芍藥 當歸

麻黃 去節 半夏 姜製各半兩 乾姜 炮兩 人參

川芎 各二兩 甘草 兩 白芷 四兩 枳殼 一兩

陳皮 蒼朮 新者二兩 桔梗 兩 肉桂 兩

右除枳殼肉桂外餘並為粗末於大鍋內文武火炒令

黃熟不至焦用紙攤在板上候冷入枳殼肉桂末和勻

入磁盒內每服二錢水一盞姜三片同煎服若傷寒蔥

白一莖葶鼓七粒同煎連服取汗 若脾胃不和內傷

冷物渾身疼痛頭昏無力胃膈不利飲食不下氣脈不

和四肢覺冷或睡裏虛驚至晚心躁困倦即入鹽少許

同煎 若陰經傷寒手足逆冷及虛汗不止脈細疾面

青而嘔更宜加附子同煎加減多少並在臨時消息之

袖珍方 無人參

參蘇飲治內外感一切發熱主藥又云前胡葛根自能解肌枳殼陳皮自能寬膈大治中焦滿痞凡有熱不得拘其所見小兒室女尤宜服之

前胡

枳殼

陳皮

甘草

桔梗

木香

人參

紫蘇

乾葛

半夏

茯苓

各八分

右咬咀每服四錢用水一盞生姜五片棗一枚煎服不拘時若素有痰者候熱退以二陳六君子湯間服

右方治痰飲停積中脘閉塞眩暈嘈煩怵嘔逆及痰飲中人停留關節手脚羸曳口眼歪斜半身不遂食已則嘔頭疼發熱狀如傷寒者悉治之 一法用此藥三兩加四物湯二兩合和名茯苓補心湯大治男子婦人虛勞發熱或五心煩熱并衄血吐血便血及婦人下血

入醫學綱目卷三

四

過多致虛熱者並宜服之或因用心太過發虛熱者及往來寒熱者用之神効
柴胡散治邪入經絡體瘦肌熱推陳致新解利傷寒時疫中暍伏暑

柴胡

甘草

各一兩

右咬咀水煎食後熱服此藥冬月可以潤心肺止咳嗽除雍熱春夏可以禦傷寒時氣解毒居常不可缺者且倉卒可以易得長幼皆宜服之

冒感用帶根蔥煎湯嚼生姜得汗愈

右六方通詳諸表方元氣不虛者服効

第二方熱多者宜服之

第三方寒多者宜服之

第四方痰飲者宜服之

第五六方倉卒宜備之

下症具脈沉細治傷寒外症全是下症大熱而脈反細不可下者瀉心湯主之方見傷寒脈有力者黃連瀉心湯無力者半夏瀉心湯汗下後瀉心湯者人參散治傷寒汗下後餘熱不退或煩或渴面赤者人參 山梔 藍葉 甘草

白蘚皮各等

右咬咀每服五錢水煎服

雜合病當隨症治不必先理感冒緊盛明為食所傷病者又倦怠脈重按俱有豁意而胸膈痞滿間引兩脇其脈輕取又似乎弦此又平昔多怒肝邪之所為也細取左尺大細沉弱此又平時房勞之過也治法宜以感冒一節且放後先視其形色之強弱厚薄且以

八 醫學綱目卷三

里

補中化食行滯清涼胃火而以姜辣行之則中氣稍回傷滯稍行津液得和通軀得汗外感之邪自解醫者不肯詳審求之只顧表散外邪又不推究兼見之邪脈亦不窮問所得之病因與性情之執着巧施雜合治法將見正氣自虛邪氣愈固皆拙工之過也

發熱惡寒似傷寒者有五種脈浮而數其人發熱惡寒或有痛處是欲為癰癤也脈浮按之反濇其人發熱惡寒或膈實而嘔吐此是傷食也脈浮而滑其人發熱惡寒或頭眩而食此是欲化瘡疾也能辨其脈又能驗其症斯無誤矣

發熱惡寒而渴者有二傷寒與雜症相似藥不可差夫傷寒表症發熱惡寒而渴與下雜症同但頭痛身熱目痛鼻乾不得臥白虎主

禁忌

之乃陽明經病也正陽陽明氣病脈洪大先無形也雜病裏症發熱惡熱而渴但目赤者病臟也手太陰氣不足不能管領陽氣也宜以枸杞生地熟地之類主之脈洪大甚則嘔血先有形也

氣病在裏誤用血藥無傷也為安血而益陰也 血病在裏誤用氣藥如白虎湯者非也為瀉肺而損陰也

辨誤服白虎變症 昔西臺椽葛君瑞二月中病傷寒發熱以白虎湯主之病者面黑如墨本症遂不復見脈沉細小便不禁東垣初不知也及診之曰此立夏以前誤服白虎白虎大寒非行經之藥止能寒臟腑不善用之則傷善氣本病曲隱於經絡之間或投以大熱之藥求以去陰邪他症必起非所以救白虎也可用溫藥升陽行經有難者曰白虎大寒非大熱何以救君之症奈何東垣曰病隱

醫學綱目卷三

聖

針灸

經絡間陽道不行而本症見矣又何難哉果如其言而愈大煩熱不止晝夜無度用八關大刺法見赤眼熱無度不可止宜陷谷出血

遍身發熱如火狂言妄語氣虛者補手三里氣實者瀉足三里

傷寒胃熱不已 大杼五分 風門五分留 中府上 三肋間動脈應 缺盆分三

傷寒胃熱不已 中腕瀉 上廉分三 下廉分八 三里

氣衝

傷寒四肢熱不已 雲門五分灸 肩髃 委中 腰膕

友頭縱四體然後取其穴針入五分留七呼灸七十壯

傷寒大熱不退 曲池瀉 絕骨補

傷寒熱退後再發熱 風門 合谷 行間 絕骨

惡寒

發執惡病有發熱惡寒者發於陽也無熱惡寒者發於陰也發於寒脈浮屬太陽陽者七日愈發於陰者六日愈以陽數七陰數六故也無熱惡發熱惡寒脈浮屬太陽方論甚眾並見發熱門太陽病條惡寒脈微而復利者亡血也四逆加入參湯主之王叔和原入霍亂門

四逆加入參湯

人參

乾姜

甘草各一兩

附子一枚去皮蠶

右咬咀每服五錢水煎溫服日三

診

少陰病惡寒身倦而利若利止手足溫者可治利不止手足逆冷者不可治方論見下利

少陰病惡寒身倦時煩欲去衣被者可治四逆無脈不煩

而躁者死方論見但欲寐

醫學綱目卷三

聖

惡寒手足逆冷若兼大汗拘急下利四逆湯方論見下利

若兼頭汗心下滿脈沉細大便硬者小柴胡湯方論見厥

若夏月中暑脈虛而渴背惡寒者白虎加入參湯方論見

若口中和但欲寐者灸之宜附子湯

發汗後惡寒者虛也方論見發熱發汗病不解反惡寒者虛故

也芍藥甘草附子湯主之

芍藥甘草附子湯方

芍藥

白朮各二兩

甘草三兩

桂枝四兩

附子一枚炮去皮

右咬咀每服五錢水煎溫服

太陽病下後脈促胃滿者桂枝去芍藥湯主之

桂枝去芍藥湯方

桂枝去

生薑各兩

甘草一兩

大棗六枚

右咬咀每服五錢水煎溫服

若微惡寒者去芍藥加附子湯主之活人云芍藥味酸脉促胃滿惡心絀結胃故

去芍藥單用辛甘之味發散毒氣也

去芍藥加附子湯方

桂枝 生姜各兩半 甘草一兩 大棗六枚

附子半個去皮炮

右咬咀水煎溫服每服五錢

傷寒汗下後心下痞而惡寒者表未解也先用桂枝湯解

表用大黃黃連瀉心湯攻痞若痞而汗出惡寒者表已解

也附子瀉心湯主之方論見痞

陽明病胃家實若汗多發熱惡寒者表未解也未可與承

氣湯方論見潮熱

傷寒脈浮汗出微惡寒小便數腳掣急者忌服桂枝湯方論

醫學綱目卷三

厥見

惡寒續法

惡寒忌近火

大抵大陽病必發熱而惡寒不可過覆衣被及近火氣

恐寒熱相搏脈道沉伏愈冷病人寒不可遏但去被徹火

兼飲以和表之藥自然不惡寒矣若婦人惡寒尤不可近

火恐寒氣入腹血室結聚針藥所不能治矣

表裡

惡風

發熱惡風為表虛屬太陽病方論見發熱太陽病條 發汗後遂汗

漏不止其症似風濕相搏症肯惡風汗出小便不利四肢

難屈伸但心下不滿者身不痛用桂枝加附子湯方見自汗 身熱

風濕相搏者骨節煩疼掣痛用甘草附子湯方見身痛 惡風項強脇滿手足溫而渴者用小柴胡湯方論見脅痛

惡風續法

惡風寒不同

惡風者見風至則惡矣必居密室之內噓帳之中則坦然自舒惡寒者則不待風而自寒雖身太熱而不欲去衣者是也活人云惡寒者不當風而自憎寒惡風者當風而憎寒也

頭痛

頭痛表程諸症

發熱頭痛惡風者屬太陽方論見發熱太陽病

大便不利六七日

頭痛身熱小便赤者宜承氣湯若小便利者知不在裏仍在表也宜桂枝湯論見胃實

頭痛發熱脈弦細者屬少陽宜小柴胡湯論見口苦

若脈反沉者當救裏宜四逆湯論見發熱

頭痛蕪心下痞硬滿痛苦眩冒時如結胃者刺大椎第一間肺俞肝俞論見項強

若下後仍發汗無汗小便利者桂枝去桂加茯苓白木湯方論見項強

若表解汗出脅痛乾嘔者宜十束湯方論見脇痛

頭痛乾嘔吐涎沫者用吳茱萸湯

醫學綱目卷三

聖

方論 若表解汗出心下鞭引脇痛者用十束湯 若陽見吐

明胃實反無汗而小便利嘔欬手足厥者為寒邪方論見胃實

頭痛發熱吐利者為霍亂方論見吐利 濕家病身痛發熱

面黃而喘頭痛鼻塞而煩其脈大能食者納藥鼻中則愈

方論見身痛濕痺各

太陽病下之復脈細數者頭痛未止

頭痛續法

一丈夫因浴冷水發熱頭痛脈緊此有寒濕也宜溫藥

汗之

蒼朮

麻黃

乾葛各錢半

甘草些

陳皮

川芎各二錢

分二貼服得汗後知病退又與下補藥

芍藥兩

陳皮

半夏各三錢

白朮

蒼朮

人參

木通各二錢

甘草五分

分四貼姜水煎服

一婦人頭痛發熱而渴

白朮兩半

陳皮

川芎各三錢

乾葛二錢

木通錢半

甘草錢

右分四貼水煎溫服

發散方

連鬚蔥白湯方

若已發汗或未發汗頭痛如破者用連鬚蔥白湯

蔥白連鬚切

生姜兩二

右以水二升煮取一升分二次溫服再不止者宜服後方

葛根蔥白湯方

葛根

芍藥

知母各半兩

蔥白

醫學綱目卷三

三

川芎

生姜各一兩

右以水三升煎至一升熱服

吐痰方

若非次頭疼曾中滿及發寒熱脈緊而不大者即是膈上有涎宜用瓜蒂末一錢煖水調下吐涎立愈

傷寒汗下後頭痛起目眩者宜獨活湯

汗下後頭痛分陰陽

防風

獨活

旋覆花

當歸各七錢

傷寒熱病後頭痛不止者用石膏川芎湯

石膏

川芎各一兩

右吹咀每服五錢水煎服

大經頭痛治法

太陽頭痛有汗桂枝湯無汗麻黃湯 陽明頭痛白虎湯 少陽頭痛小柴胡湯 太陰頭痛脈浮桂枝湯脈沉脈中湯 少陰頭痛小柴胡湯 厥陰頭痛外傷本經桂

枝麻黃各半湯 嘔而微吐苦水者吳茱萸湯

注 太陰頭痛者必有痰也少陰頭痛者足寒而氣逆也蓋太陰少陰二經雖不至頭然痰與氣逆壅於膈中則頭上氣不得暢降而為痛也

針灸

云 如脈浮而頭痛過在手足太陽刺完骨京骨 如脈浮而長過在手足陽明刺合谷衝陽 如脈浮而弦過在手足少陽刺陽池丘墟風府風池此刺頭痛之法也

集 傷寒頭痛刺合谷 攢竹

項強

診治

發熱惡風項強者屬太陽 方論見發熱太陽病體 項強脇下滿苦

身熱惡風手足溫而渴者小柴胡湯 若下後不能食身

黃小便難者與柴胡湯必反重 方論俱見發熱

針灸

太陽與少陽并病頭項強痛或眩冒時如結胸心下痞鞭

醫學綱目卷三

聖

者當刺大椎第一間肺俞肝俞慎勿發汗如發汗則譫語脈弦五六日譫語不止當刺期門

太陽與少陽并病心下鞭頭項強而眩者當刺大椎肺俞

慎勿下之宜服桂枝湯或下之仍頭項強痛翕發熱無

汗心下滿微痛小便不利者桂枝去桂加茯苓白朮湯主

注云心下滿痛小便利者成結胸小便利為痞飲故加苓朮以行之

桂枝去桂加茯苓白朮湯方

芍藥

生姜

茯苓

白朮 各兩半

甘草 兩

大棗 枚六

右咬咀每服五錢水煎溫服小便利即愈結胸亦項強

如柔痙狀者大陷胸丸主之

項強卒口禁背反張為痙 方論見痙

身體痙

大瀉

發熱惡寒身軀痛者屬太陽病麻黃湯大青龍湯是也

若兼心下支結者柴胡桂枝湯 若兼下利清穀腹脹者

先以四逆溫裏後以桂枝發表方論見發熱 太陽病條 若尺脈遲

者血少榮氣不足活人先以黃芪建中湯養其血俟尺脈

回却用柴胡等湯和解之 身體疼痛脈沉發熱頭痛不

瘥者四逆湯方論見發熱 若少陰但欲寐手足寒者附子湯

方論見但欲寐 發汗後身軀痛脈沉遲者桂枝加芍藥生薑

人參新加湯主之

桂枝 人參各兩 芍藥 生薑各二兩

甘草一兩 大棗六枚

右咬咀每服五錢水煎溫服

身軀痛下利方論見下利條 身軀痛吐利為霍亂方論見吐利條 身

軀痛手足寒若脈沉但欲寐者附子湯方論見但欲寐 若大汗

醫學綱目卷三

出熱不去內拘急自利惡寒者四逆湯方論見下利 若夏月

中暑脈虛而渴者白虎加人參湯方論見中暑 身痛如被杖

面目青咽痛者為陰毒升麻鱉甲去雄黃蜀椒湯方論見陰毒

太陽病關節疼痛而煩脈沉而細者此名濕痺濕痺之候

小便不利便反快但當利其小便活人脈沉細作沉緩 濕家之為

病身盡痛發熱而煩身黃如熏可與麻黃加朮湯發其汗

慎不可以大劑攻之

麻黃加朮湯方

麻黃三兩 桂枝二兩 甘草一兩 杏仁十個去

白朮四兩

右咬咀先以水煮麻黃去沫入諸藥煎溫服覆取微汗

濕家病身上疼痛發熱面黃而喘頭痛鼻塞而煩其脈大

自能飲食腹中和無病病在頭中寒濕故鼻塞納藥鼻中

身痛諸症

濕痺

則愈納鼻藥方見發熱

下濕家

濕家其人但欲汗出背強欲得被覆向火若下早則噦胃滿小便不利舌上如胎者以丹田有熱胃中有寒渴欲得水而不能飲則口煩躁也 濕家下之額上汗出微喘小便利者死若下利不止者亦死

右濕痺活人書為中濕脈沉細為沉緩小便自利者木附湯小便不利者甘草附子湯五苳散而不及麻黃加朮湯并納鼻藥蓋麻黃納鼻皆是表藥而非脈沉緩之劑故也

風濕不得屈伸者其附

風濕相搏骨節煩疼掣痛不能屈伸逆之則痛劇汗出短氣小便不利惡風不欲去衣或身微腫者甘草附子湯主之

甘草 白朮各一兩 桂枝二兩 附子炮一枚

醫學綱目卷三

吳

右咬咀水煎溫服作四劑活人云身腫者加防風一兩性氣小便不利者加白茯苓

牛一兩

不能轉側者桂附

傷寒八九日風濕相搏身疼体煩不能轉側不嘔不渴脈浮虛而澹者桂枝附子湯主之若其人大便鞭小便自利者去桂加白朮湯主之

桂枝附子湯方

桂枝二兩 附子炮一枚 甘草六錢 大棗四枚

生姜切一兩

右咬咀每服五錢水煎溫服

白朮附子湯方

白朮三兩 附子一枚炮 甘草二兩 生姜兩

大棗六枚

右咬咀水三升煮一升分三服溫服一服覺身痒半日

大便硬者木附

許再服三服都盡其人如冒狀勿怪即是木附並走皮中逐水氣未得除故耳

發熱日
喘劇者
麻黃

病者一身盡疼發熱日晡而劇者多風濕此病傷於汗後當風或久傷取冷所致也可與麻黃杏仁薏苡湯

薏苡湯方

薏苡仁

各半兩去
節湯泡

甘草二兩

杏仁十枚去

右咬咀每服四錢水煎溫服有微汗者避風

身重汗
出者防
已

風濕身重脈浮汗出惡風者防已黃芪湯方見身重

問曰風濕相搏一身盡疼痛法當汗出而解值天陰雨不止醫云此可發汗汗之病仍不愈者何也答曰發其汗汗

大出者但風氣去濕氣在故不愈也若治濕風者發其汗但微微自欲汗出者風濕俱去也

入醫學綱目卷三

手

身痛續法

風濕

風濕相搏一身盡痛者補中益氣湯加羌活防風升麻藁本蒼朮治之如病去勿再服以諸風藥損人元氣而益其病故也

神木湯治風濕惡寒脈緊無汗 白朮湯治風濕惡風

脈緩有汗俱見續條
寒發熱條

右二朮湯治風濕又當隨症加減其詳並見瘡條及白

朮神木二湯後

活杏仁湯療風濕身體疼痛惡風微腫

桂枝二

麻黃去節湯
泡乾芍藥

天門冬去心
各一

兩

生薑兩
半

杏仁二十五枚
去皮尖炒

右咬咀每服五錢水煎溫服

風濕熱

麻黃復煎湯治陰室中汗出懶語四肢困倦乏力走瘡

疼痛乃下焦伏火不得伸浮而躁熱汗出一身疼痛蓋風濕相搏也以麻黃發汗漸漸發之在經者亦宜發汗况值季春之月脈緩而遲尤宜發之令風濕去而陽氣升困倦乃退血氣俱得生旺也

麻黃

去節用水五盞先煎令沸去沫渣再煎至三盞方入下藥

黃芪

各二錢

白朮

人參

柴胡根

防風

生地

各五分

甘草

三分

羌活

黃栢

各一錢

杏仁

三個去皮尖

右咬咀作一服入麻黃湯煎至一盞臨卧服勿飽服

當歸拈痛湯治濕熱為病身体疼痛

方見諸痺門一身盡痛條

杭州圖書館